



# The Commonwealth of Massachusetts

## DEPARTMENT OF PUBLIC UTILITIES DIPARTAMENTU DI SERVISU PUBLIKU (D.P.U.)

### AVIZU DI INKÉRITU Y PIDIDU DI OBSERVASON

D.P.U. 24-15

4 di Janéru di 2024

Avizu di inkéritu fêtu atraves di iniciativa di própi Dipartamentu di Sirvisus Públiku sôbri Kustu di Inêrjia, ku Fóku na Asésu a inêrjia di Kontribuintis Rizidênsial.

Na dia 4 di Janéru 2024, Dipartamentu di Sirvisu Públiku kria un Dispaxu ki abri un inkéritu pa analiza kustus ku inêrjia, fokadu na asesibilidadadi a inêrjia pa kontribuintis rizidênsial. Dipartamentu disidi ma es prusésu ta ben fazi kon ki ê lêba en kônta miliorias na prugamas oferésidu nê-s mumentu pa trata di asesibilidadadi di inêrjia, pa garanti un másimu partisipason na kada un di es prugamas y pa difini si ôtus prugamas pôdi benefisia más kontribuintis rizidênsial di enprézas di distribuison di iletridadadi y gas di kumunidadi. Dipartamentu sta buska informason sôbri es preukupason li djuntu di tudu partis interesadu, ki ta inklui ménbrus di populason, adivogadus y entidadadi reguladu pa Dipartamentu. Dipartamentu rejista inkéritu kômu D.P.U. 24-15.

Dipartamentu ta konvida tudu algen interesadu a manda observason pur skritu sôbri es Asutus – inkluidu kumentárius sôbri purguntas ki sta na Dispaxu -- más tardi, ti fin di dia (5 óra di tardi) di **Sésta Fêra, 1 di Marsu di 2024**. Dipartamentu sta apela tudu algen interesadu a aprizenta se-s pozison di konsénsu y aprizenta kumentariu tudu djuntu, óra ki é pusivel. Dipartamentu ta ben disidi sôbri prósimus pasus adikuadu pa es prusésu dipos ki nu finda nos análisi sôbri observason inisial.

Tudu kumentariu ten ki ser mandadu pa Dipartamentu na **formatu .pdf** anekisadu na e-mail [dpu.efiling@mass.gov](mailto:dpu.efiling@mass.gov) y [laurie.e.weisman@mass.gov](mailto:laurie.e.weisman@mass.gov). Na téstu di e-mail débi spesifika: (1) númeru di prusésu (D.P.U. 24-15); (2) nómi di algen ô entidadadi ki sta manda pididu; y (3) y fla ma dukumêntu é un kumentariu pur skritu. Aprizentason iletróniku débi tanbé teni nómi, título y númeru di tilifôni di algen ki débi ser kontakitadu na kazu di dúvida sôbri aprizentason.

Tudu dukumêntu aprizentadu na formatu iletróniku ta ben ser publikadu na pájina di Dipartamentu atraves di nos Sala di Arkivu mas rápidu (entra “24-15”) at: <https://eeaonline.eea.state.ma.us/DPU/Fileroom/dockets/bynumber>. Pur favor, têndu en kônta interési na trasnparénsia, tudu observason ta ben ser publikadu na nos pájina sima nu resébi y sen iliminason di informason pisual, sima moradia, númeru di tilifôni, ô inderésu di e-mail. Pur issu, pensa na tipu di informason ki bu ta partilia óra ki bu ta fazi kumentariu. Dipartamentu ta insentiva fortimênti di observason públiku ser fêtu pa e-mail. Si, purtantu, un ménbru di públiku ka sta konsigi manda si observason pur skritu pa e-mail, ê pôdi manda un kôpia na formatu di

papel pa Mark D. Marini, Secretary, Department of Public Utilities, One South Station, Boston, Massachusetts, 02110.

Dispaxu y tudu dukumêntu rilasionadu ki foi aprizentadu a Dipartamentu ô emitidu pa Dipartamentu ta ben fika disponivel na pájina di Dipartamentu sima foi rifirensiadu, lógu ki for pusivel. Na midida ki un algen ô entidadi sta priténdi aprizenta observason di akordu ku es Avizu, un aprizentason iletróniku, sima sta diskrebêdu di riba, é sufisênti. Pa pidi material na formatu asesivel a pisoas ku difisênsia (Braille, létras grandi, fixérus iletróniku, formatu en audiu), kontákita kordenador di Lei di Amerikanus ku Difisênsia (ADA) di Dipartamentu a través di [Gabriella.Knight@mass.gov](mailto:Gabriella.Knight@mass.gov).

Pa más informason sôbri es Avizu, pur favor kontákita Laurie Ellen Weisman, Konselêra Auditôra, Dipartamentu di Sirvisus Públiku, a través di [laurie.e.weisman@mass.gov](mailto:laurie.e.weisman@mass.gov).

<p>This document contains important information. Please have it translated immediately.</p>	<p>Questo documento contiene informazioni importanti. La preghiamo di tradurlo immediatamente.</p>	<p>ខេត្តសាមសេប័បនី ប័ណ្ណខ្ញុំរង់ចាំសំខាន់ៗ។          ភាសាខ្មែរខេត្តសាមសេប័បនី មិនមាននៅទីនេះទេ។</p>
<p>В данном документе содержится важная информация. Вам необходимо срочно сделать перевод документа.</p>	<p>Este documento contém informações importantes. Por favor, traduzi-lo imediatamente.</p>	<p>ឯកសារនេះមានន័យសំខាន់ ។</p>
<p>Este documento contiene información importante. Por favor, consiga una traducción inmediatamente.</p>	<p>此文件含有重要信息。請立即找人翻譯。</p>	<p>សូមបកប្រែជាបន្ទាន់ ។</p>
<p>تحتوي هذه الوثيقة على معلومات هامة. يرجى ترجمتها فوراً.</p>	<p>본 문서에는 중요한 정보가 포함되어 있습니다. 본 문서를 즉시 번역하도록 하십시오.</p>	<p>Ce document contient des informations importantes. Veuillez le faire traduire au plus tôt.</p>
<p>Docikman sa gen enfòmasyon enpòtan. Tanpri fè yon moun tradwi l touswit.</p>	<p>Tài liệu này có chứa thông tin quan trọng. Vui lòng dịch tài liệu này ngay.</p>	